



Balduinus ille ab ineunte etate militiam secutus, sua fortitudine & mirabili rerum successu apud omnes in maxima æstimatione fuit, ita ut etiam ferreus cognominaretur. Hic fortunę beneficio eò tandem deuenit, ut Iuditham filiam Caroli Calui Imperatoris, Regis Anglię derelictam uiduam, in scio patre, sibi matrimonio iungeret, atque secum abduceret. Itaque Cæsar ira commotus, aliquandiu Balduinum persecutus est. Cum autem procures quidam pro eo intercederent, atque uarias eius uirtutes Cæsari subinde inculcarent, Carolus eum in gratiam recepit. Postea uerò genero suo Cæsar Flandriam dotis nomine tra-

didit, atq; ipsum Flandrię comitem constituit, Anno Christi 878. Cum autem eo tempore Nordmanni Galliam & Flandriam suis incursionibus uastarent, Balduinus ille pontem circa Brugas fluuio imposuit, atq; hostes magno animo ex sua ditione eiecit. Vt etiam Comitatus suus diuturnior esset, eum Cæsari patrono subiecit. Tandem cum Balduinus multis ædificijs & præclaris legibus suam ditionem ornasset, eam posteritati suę reliquit, ipse uerò uiam uniuersę carnis ingressus est. Monst. lib. 2. Cosmog.